



Broj: 01-02-1-4479-2/26

Sarajevo 18-03-2026

Reisa Džemaludina Čauševića 1

71000 Sarajevo

Bosna i Hercegovina

n/r Elvedin Okerić, Predsjedavajući Skupštine Kantona Sarajevo


Kanton Sarajevo

Ministarstvo zdravstva

Reisa Džemaludina Čauševića 1

71000 Sarajevo

n/r Mr.med.sci.dr Enis Hasanović, ministar



**Predmet:** Odgovor na zastupničku inicijativu zastupnice Prim. dr. Smiljane Viteškić – medicinska sredstva za djecu školskog uzrasta, dostavlja se

Poštovani,

Povodom zastupničke inicijative zastupnice Prim. dr. Smiljane Viteškić koja se odnosi na izmjene propisa i finansijskih limita za medicinska i ortopedska pomagala za djecu školskog uzrasta, Zavod zdravstvenog osiguranja Kantona Sarajevo daje sljedeće očitovanje.

Prava osiguranih lica Kantona Sarajevo na korištenje medicinskih sredstava regulisana su Uredbom o obimu, uslovima i načinu ostvarivanja prava osiguranih lica Kantona Sarajevo na medicinska sredstva („Službene novine Kantona Sarajevo“ br. 22/20, 30/21, 44/22, 48/22, 21/23 i 1/24).

U skladu sa članom 28. navedene Uredbe, učešće Zavoda u nabavci medicinskog sredstva predstavlja iznos koji se finansira iz sredstava obaveznog zdravstvenog osiguranja za svako pojedinačno medicinsko sredstvo sa Liste medicinskih sredstava. Odluku o visini učešća Zavoda donosi Upravni odbor Zavoda

Visina učešća Zavoda utvrđuje se na osnovu više kriterija, uključujući postojeće cijene medicinskog sredstva, promjene cijena na tržištu, uporedne cijene u okruženju, kao i raspoloživa sredstva Zavoda. Prije donošenja odluke o visini učešća Zavoda provodi se analiza tržišta i uporedna analiza cijena, koja obuhvata podatke o cijenama medicinskih sredstava na tržištu, uporedne podatke iz zemalja regiona i drugih zavoda zdravstvenog osiguranja u Bosni i Hercegovini, kao i podatke dobijene u postupku istraživanja tržišta od strane isporučilaca medicinskih sredstava. Na osnovu tako prikupljenih i analiziranih podataka formira se prijedlog visine učešća Zavoda koji se dostavlja Upravnom odboru Zavoda na odlučivanje.

U inicijativi se kao primjer navodi slušni aparat u vrijednosti od oko 300 KM. U tom smislu napominjemo da nije jasno na osnovu kojih podataka je naveden predmetni iznos, imajući u vidu da, u skladu sa važećom **Odlukom o visini učešća Zavoda zdravstvenog osiguranja Kantona Sarajevo u cijeni medicinskih sredstava**, učešće Zavoda za **zaušni slušni aparat za djecu iznosi 618 KM**, što predstavlja više nego dvostruko veći iznos u odnosu na iznos naveden u inicijativi.

Adresa: Ložionička br. 2, 71 000 Sarajevo


ID broj: 4200178560003, PDV broj: 200178560003, Broj upisa u sudski registar: 65-05-0051-12,  
Depozitni račun broj: 154-921-2014617245, Glavni transakcijski račun broj: 154-921-20146171-48.

Transakcijski račun broj: 132-020-20293671-18

Transakcijski račun broj: 306-000-32712158-45

Tel. +387 33 72 52 00, +387 33 72 52 07, Fax +387 33 61 86 14

e- mail: info@kzzosa.ba kabinet@kzzosa.ba



Također naglašavamo da se prilikom utvrđivanja visine učešća Zavoda ne primjenjuje princip najniže cijene, već se kroz utvrđenu metodologiju uzima u obzir više relevantnih parametara, uključujući tržišne cijene, uporedne podatke iz regiona i Bosne i Hercegovine, kao i realne ponude isporučilaca medicinskih sredstava, s ciljem osiguranja održivosti sistema obaveznog zdravstvenog osiguranja i adekvatnog obima prava za osigurana lica.

Posebno ističemo da su djeca u sistemu zdravstvenog osiguranja prepoznata kao prioritarna kategorija osiguranika, te su za određena medicinska sredstva propisani povoljniji uslovi ostvarivanja prava u odnosu na odrasla osigurana lica. Tako, u zavisnosti od medicinske indikacije, djeca imaju pravo na korištenje dva slušna aparata, a pravo na zamjenu i ponovno ostvarivanje ovog medicinskog sredstva ostvaruju u kraćim rokovima nego odrasla lica, upravo zbog specifičnih potreba djece i njihovog razvoja.

Pored toga, medicinska sredstva koja se obezbjeđuju osiguranim licima putem ugovornih subjekata moraju ispunjavati propisane zahtjeve u pogledu kvaliteta, sigurnosti i standarda, uključujući usklađenost sa propisima koji uređuju medicinska sredstva u Bosni i Hercegovini. Takva sredstva moraju biti proizvedena i stavljena na tržište u skladu sa važećim tehničkim i sigurnosnim standardima, te registrovana kod Agencije za lijekove i medicinska sredstva Bosne i Hercegovine, čime se osigurava da medicinska sredstva koja se finansiraju iz sredstava obaveznog zdravstvenog osiguranja budu sigurna i odgovarajućeg kvaliteta za krajnje korisnike.

Zavod zdravstvenog osiguranja Kantona Sarajevo kontinuirano prati kretanje cijena medicinskih sredstava na tržištu te u skladu sa važećim propisima vrši potrebne analize i eventualna usklađivanja visine učešća Zavoda, vodeći računa o medicinskim indikacijama, potrebama osiguranih lica i raspoloživim sredstvima obaveznog zdravstvenog osiguranja.

Prijedlozi i inicijative koje se odnose na unapređenje prava osiguranih lica, a posebno djece kao osjetljive kategorije korisnika zdravstvene zaštite, predstavljaju važan doprinos kontinuiranom unapređenju sistema zdravstvenog osiguranja. Zavod će i u narednom periodu nastaviti provoditi analize i aktivnosti usmjerene na unapređenje dostupnosti i kvaliteta prava iz obaveznog zdravstvenog osiguranja, u skladu sa medicinskim indikacijama, važećim propisima i finansijskim mogućnostima sistema.

S poštovanjem,

Po ovlaštenju Direktora

Rukovođeni [redacted] slova



Dženan Tikveša, dipl.iur

Dostaviti:

- Naslovu,
- Služba za kvalitet i nadzor (putem DMS-a),
- Sektor za medicinske i farmaceutske poslove,
- a/a.